

ԱԶԳԱԳՐՈՒԹՅՈՒՆ

Դ. Ս. ՎԱՐԴՈՒՄՅԱՆ

Աղգագրությունը որպես գիտություն Հայաստանում վերջնականապես ձևավորվեց XIX դարի վերջին և XX դ. սկզբին՝ «Աղգագրական հանդեսի» (1896—1916 թթ., Թիֆլիս, ընդամենը 26 հատոր) և Հայոց աղգագրական ընկերության ծավալած բաղմաբեղուն գործունեության շնորհիվ, որոնց հիմնադիրը, ղեկավարն ու ամենաջանադիր աշխատակիցն էր ականավոր աղգագրագետ, բանագետ ու հնագետ Երվանդ Լալայանը։ «Հանդեսը» պարբերաբար համակողմանի աղգագրական նյութեր էր հրատարակում պատմական Հայաստանի գավառների վերաբերյալ, որոնց մեծ մասի հեղինակն ինքը՝ Ե. Լալայանն էր։ «Հանդեսը» «էմինյան աղգագրական ժողովածուի» (Մոսկվա. 1901—1911 թթ., 9 գիրք), «Բյուրակնի» (Կ. Պոլիս, 1890-ական թթ.) և մի շարք այլ պարբերականների հետ («Բաղմավեպ», «Հանդես ամսօրյա», «Մշակ» և այլն) հարուստ նյութեր է տալիս հայ ժողովրդի անցյալի աղգագրությունն ուսումնասիրելու համար։

Հայաստանում խորհրդային կարգեր հաստատվելուց հետո աղգագրությունը ևս իր պատշաճ տեղը գրավեց հայագիտական մյուս առարկաների շարքում, և հետզհետե հաստատուն հիմքեր ստեղծվեցին նրա զարգացման համար։ 1920—1940-ական թթ. աղգագրական գործն ամբողջությամբ կենտրոնացվեց Երևանում ստեղծված Հայաստանի պատմության պետական թանգարանում¹, որ հենց սկզբից, ի թիվս այլ բաժինների, բացվեց նաև աղգագրության բաժին։ Աղգագրական նյութերի հավաքման և ուսումնասիրման գործն այժմ կատարվում էր այլ պայմաններում՝ պետության հովանավորությամբ և սյուլա-կան միջոցներով։ Երևան՝ թանգարան է տեղափոխվում առաջին համաշխարհային պատերազմի տարիներին Մոսկվա ուղարկված էջմիածնի թանգարանի, ինչպես նաև Թիֆլիսից՝ Հայոց աղգագրական ընկերության թանգարանի, Նոր-Նախիջևանի հայկական թանգարանի գույքը², որոնց մեջ զգալի տեղ էին բռնում աղգագրական ցուցոնները։ Այնուհետև, 1920-ական թթ. կեսերից, թանգարանային ֆոնդերը համալրելու և բանավոր աղգագրական նյութեր հավաքելու նպատակով ծավալվում է արշավախմբային եռանդուն գործունեություն։

Նոր ավյունով հավաքչական աշխատանքի են ձեռնարկում համբավավոր աղգագրագետ Ե. Լալայանը և աղգագրության մեջ շնայած նոր մուտք գործած,

¹ Այդ ընթացքում թանգարանի անվանումը մի քանի անգամ փոփոխվել է։ Նախապես, 1921 թ., այն կոչվում էր Հայաստանի պետ. թանգարան, ավելի ուշ՝ վերանվանվեց Հայաստանի կուլտուր-պատմական թանգարան, 1935 թ.՝ պետ. պատմական թանգարան, որը կազմվեց նախորդի հնագիտական և աղգագրական բաժինների հիման վրա (տե՛ս Կ. Ղ ա ֆ ա ղ ա Ր յ ա ն, Հնագիտական աշխատանքները Հայաստանում, պետ. պատմական թանգարանի (այսուհետև ՊՊԹ) «Աշխատություններ», Երևան, 1948, էջ 22—23)։ 1970 թ. կոչվում է Հայաստանի պատմության պետական թանգարան։

² Տե՛ս Կ. Ղ ա ֆ ա ղ ա Ր յ ա ն, նույն տեղում։

բայց հայ մշակույթին մատուցած ծառայություններով հայտնի Ստ. Լիսիցյանը, հետզհետե իրենց շուրջը համախմբելով երիտասարդներին 1920-ական թթ. երկրորդ կեսին Արարատյան դաշտավայրում և Կոտայքում դաշտային նյութեր է հավաքում ՀՍԽՀ գիտության և արվեստի ինստիտուտի գիտաշխատակից Կ. Լալայանը, առանձնահատուկ ուշադրություն դարձնելով տեղաբնիկների և Արևմտյան Հայաստանից ու Իրանից ներգաղթածների կենցաղային յուրահատկությունների վրա։ Աղգաղրականից բացի հավաքում է բանահյուսական նյութեր, անում հնագիտական պեղումներ։ Հավաքչական աշխատանքին ղուղընթաց Ե. Լալայանը իր ամբարած նյութերի հիման վրա ձևակերպում է դրանց թեմատիկ ընդհանրացումը, մի բան, որ գրեթե բացակայում էր նրա նախահեղափոխական շրջանի գործունեության մեջ։ Այս առումով ուշագրավ են հատկապես հայերի ծիսական արարողությունների բնութագրմանը նվիրված նրա զուտ աղգաղրական բնույթի հոդվածները³։

Նույն ժամանակաշրջանում, մինչև 1930-ական թթ. վերջերը, Ստ. Լիսիցյանը, նախ որպես ԽՍՀՄ ԳԱ պատմա-հնագիտական ինստիտուտի գիտաշխատակից, ապա որպես Հայաստանի պետ. պատմական թանգարանի աղգաղրության բաժնի վարիչ, միայնակ կամ փոքր խմբով շրջագայում է Սյունիքի, Վայոց ձորի, Արցախի, Գեղարքունիքի, Ջավախքի, Լոռու, Շիրակի և այլ վայրերի հայկական գյուղերը, ինչպես նաև Երևանում և շրջակայքում բնակավորված արևմտահայերի մեջ, աղգաղրական հարուստ նյութեր հավաքելով հատկապես հին կենցաղի, մասամբ նաև նոր պայմաններում դրանում կատարվող փոփոխությունների վերաբերյալ։ Այդ տարիների նրա դաշտային աշխատանքի արգասիքն է Հայաստանի տարբեր շրջանների ժողովրդական բնակարանի ուսումնասիրությանը նվիրված հոդվածաշարը, որ կոնկրետ նյութերի քննությանմբ համոզիչ փորձ է արվում ցույց տալու հայ դասական ճարտարապետության ակունքների կապը ժողովրդական բնակարանի համալիրի ճարտարապետության հետ⁴։ Այս շարքի մեջ առանձին ուշադրության է արժանի Շատախին վերաբերող հոդվածը, որը հետաքրքիր դիտողություններ է պարունակում նախնադարյան տոհմային կարգերի մի ուշագրավ հասարակական հաստատության՝ «հասակակիցների միությունների» վերապրուկային որոշ երևույթների մասին։ Մի այլ հոդված նվիրված է Հայաստանի լեռնավայրային մեծ ճանապարհների հանդուցակետերում եղած «սրբերի» և իջևանատների պատմական աղերսի քննությանը⁵։ Հմտորեն օգտագործելով կուտակած դաշտային նյութը և համապատասխան դրավոր աղբյուրների տեղեկությունները, Ստ. Լիսիցյանը դրանք ամփոփեց երկու արժեքավոր մենագրություններում՝ նվիրված

³ Ե. Լալայան, *Տղարերի սովորությունների զարգացումը հայոց մեջ*, ՀՍԽՀ գիտության և արվեստի ինստիտուտի (այսուհետև՝ ՀԳԱԻ) «Տեղեկագիր», Երևան, 1930—31, № 4—5; Հոդարկավորության և գերեզմանների զարգացումը Հայաստանում, նույն տեղում, 1928, № 3։

⁴ Տ. Լիսիցյան, К изучению армянских крестьянских жилищ (Карабахский карадам), «Известия» Кавказского историко-археологического института (այսուհետև՝ КИАИ), Тифлис, 1925, т. III; Крестьянские жилища Высокой Армении, նույն տեղում, 1926, т. IV; Историко-этнографические очерки Шатаха (из материалов по изучению жилищ Армении), նույն տեղում, 1927, т. V; Нор-Баязетский азарашенк и замстки о крестьянских жилищах соседних районов—Памбакского и Даралагязского, նույն տեղում, т. VI; Крестьянское жилище Мегринского района, նույն տեղում։

⁵ Տ. Լիսիցյան, «Святыни» у перевалов, «Советская этнография» (այսուհետև՝ СЭ), 1936, № 4—5։

Սյունիքի (Ջանգեղուր) և Արցախի (Լեռնային Ղարաբաղ) հայերի պատմա-ազգագրական համակողմանի հետազոտությունը⁶։ Ստ. Լիսիցյանի ազգագրական գործունեության հանրագումարը եղավ հայ ժողովրդի նախահեղափոխական ազգագրությունը նվիրված նրա աշխատությունը, որը լույս տեսավ հեղինակի մահից (1947 թ.) հետո⁷։ Սույն աշխատությամբ հայ իրականության մեջ առաջին անգամ փորձ է արվում ականարկային ձևով տալու հայ ժողովրդի անցյալի ազգագրության ամբողջական պատկերը։ Հեղինակը, հենվելով իր բազմակողմանի դիտելիքների և ազգագրագետի փորձառության վրա, հիմնականում հաջողությամբ է լուծել իր առջև դրված խնդիրը։ Այն լավագույն ատաղձ է՝ ժամանակի ընթացքում հայ ժողովրդի անցյալի ազգագրության հանգամանալից շարադրանքը տալու համար։ Վերջապես, տարիների դաշտային աշխատանքի փորձի հիման վրա, ժամանակի պահանջների անմիջական թելադրանքով, Ստ. Լիսիցյանը կազմեց և 1946 թ. հրատարակեց մի շատ կարևոր ձեռնարկ՝ ազգագրական ընդարձակ հարցարան⁸։ Սա երրորդ համապարփակ հարցարանն էր հայ իրականության մեջ⁹, եթե նկատի չառնվեն Ե. Լալայանի, Ստ. Զելինսկու և ուրիշների կազմածները ազգագրության առանձին բնագավառների վերաբերյալ, որոնք թեմատիկ բնույթ ունեն և հրատարակված են «Ազգագրական հանդեսի» տարբեր համարներում։ Ստ. Լիսիցյանի կազմած հարցարանը խստորեն սխալմամբ լորված կարգով ընդգրկում է ժողովրդի մարդաբանությունը, տնտեսական զբաղմունքներին, նյութական ու հոգևոր մշակույթին, հասարակական-ընտանեկան հարաբերություններին, ժողովրդական բանահյուսությանն ու արվեստին վերաբերող բոլոր հնարավոր հարցերը, ինչպես նաև անհրաժեշտ ցուցումներ դաշտային նյութեր հավաքելու կարգի մասին։

Այս շրջանում բեղմնավոր գործունեություն է ծավալում հայ սովորութական իրավունքին վերաբերող իր ուշագրավ հոդվածներով դեռևս «Ազգագրական հանդեսից» հայտնի Խ. Սամվելյանը։ Հայ ազգագրության մեջ առհասարակ Խ. Սամվելյանը յուրահատուկ տեղ է գրավում։ Կրթությամբ լինելով իրավաբան և որպես այդպիսին մուտք գործելով ազգագրության բնագավառը, նա արժեքավոր աշխատանք է կատարել հայ ժողովրդի սովորութական իրավունքի բազմակողմանի հետազոտության և դրա հետ կապված հայ պետական ու սովորութական իրավունքների աղերսները, որ է՝ պետական իրավունքի ակունքների հարցերը հետադիտելու բնագավառում։ Այդ ուղղությամբ նրա կատարած երկար տարիների աշխատանքի արդյունքն է հայ իրավունքի պատմությունը նվիրված աշխատությունը, որը կառուցված է գլխավորապես ազգագրական նյութերի հիման վրա՝ քաղված հայ մատենագրական և ազգագրա-

⁶ Ստ. Լիսիցյան, Ջանգեղուրի հայերը, Երևան, 1969։ Իսկ «Армяне Нагорного Карабаха» աշխատանքը ներկայումս պատրաստվում է հրատարակության։

⁷ С. Т. Лисицян, Очерки этнографии дореволюционной Армении, «Кавказский этнографический сборник» (КЭС), М., 1955, 1 (Новая серия), т. XXVI.

⁸ Ստ. Լիսիցյան, Ազգագրական հարցարան, Երևան, 1946։

⁹ Հայ իրականության մեջ ազգագրական առաջին համապարփակ հարցարանը կազմեց Գ. Սրվանձտյանցը։ Այն ղեկավարված է նրա «Գրոց-բրոցի» մեջ (Կ. Պոլիս, 1874)։ Այնուհետև, 1887 թ. Մոսկվայում լույս է տեսել նախորդից ավելի ընդարձակ, Գ. Խալաթյանցի կազմած «Պրագիր հայ ազգագրության և ազգային իրավաբանական սովորությունների» վերտառությունն ունեցող հարցարանը։

կան աղբյուրներից¹⁰։ Խ. Սամվելյանը, սակայն, իր տարիների հետազոտությունների արդյունքները ամփոփեց հին մշակույթի բաղմակողմանի և ծավալուն ուսումնասիրությանը նվիրված եռահատոր աշխատության մեջ¹¹։ Հեղինակը մինչ այդ մայրիշխանությանը, տոտեմիզմին, արյան վրիժառությանը, զնամբ և առևանդամբ ամուսնությանը և այլ հարցերի նվիրված հոդվածներով տվել էր հայ հոգևոր մշակույթի զարգացման հիմնական ուրվագծերը։ Սույն աշխատությամբ նա փորձ արեց, հենվելով ազգագրական, հնագիտական, մատենագրական և այլ կարգի նյութերի վրա, վերականգնել նախնադարյան-տոհմային կարգերի պատկերը հին Հայաստանում։

Այս շրջանում արվում է նաև մի շատ արժեքավոր գործ՝ երկար տարիների համատեղ աշխատանքի շնորհիվ Ն. Լալայանը և Խ. Սամվելյանը կազմում են հայ ազգագրության առաջին ընդարձակ մատենագիտությունը, ընդգրկելով XIX դ. և XX դ. առաջին 15-ամյակի արևելահայ պարբերական մամուլի նյութերը (պահվում է Հայաստանի պատմության պետ. թանգարանի արխիվում)։ Խ. Սամվելյանը վերջացնում է նաև հայ ազգագրության պատմության ակնարկների շարադրումը (պահվում է ՀՍՍՀ Մինիստրների սովետին առընթեր կենտրոնական պետական արխիվում)։

Այս շրջանում, նշված աշխատանքներին զուգընթաց, սխտեմատիկ գործունեություն է ծավալվում նաև թանգարանային աշխատանքների գծով։ Գիտարշավախմբերի և այլ միջոցներով հարստացվում են և համալրվում Հայաստանի պատմության պետական թանգարանի ազգագրական ֆոնդերը։ Ձեռք են բերվում հատկապես Արևմտյան Հայաստանի որոշ լեռնային գավառներին՝ Շատախին, Մոկսին, Սասունին վերաբերող ցուցանմուշներ։ Գրեթե ամբողջական են դարձվում Բարձր Հայքի, Լոռու, Զանգեզուրի, Մեղրու, հարաբաղի հավաքածուները։ Ձեռք են բերվում լուսանկարների և գեղանկարների ազգագրական հարուստ ժողովածուներ։

Այս ամենի հիման վրա հնարավոր է դառնում թանգարանում կազմակերպել ազգագրական ցուցադրություններ, որոնցից հատկապես հիշարժան է 1932 թ. բացված Զանգեզուր-Մեղրու ցուցասրահը, որը գոյություն ունեցավ մի քանի տարր։

Թանգարանային աշխատանքների ծավալման բնագավառում այս շրջանում մեծ է հատկապես Ստ. Լիսիցյանի երախտիքը, որին իրավամբ կարելի է համարել ազգագրական թանգարանային գործի հիմնադիրն ու անխոնջ զարգացնողը Սովետական Հայաստանում։ Նրա հենց այդ ծառայություններն էլ նկատի ունենալով, ՀՍՍՀ կառավարությունը Ստ. Լիսիցյանի մահից հետո Հայաստանի պատմության պետական թանգարանի ազգագրական բաժինը կոչեց նրա անվամբ։

1920—1940 թթ.։ այսպիսով, հանդիսացան այն տարիները, երբ Հայաստանում ազգագրության դժուր հիմք դրվեց և սկսեց ծավալվել թանգարանային գործը։ Հայ ազգագրության բնագավառի նախասովետական շրջանից արդեն հայտնի մասնագետները նոր պայմաններում ստանալով լայն հնարավորություններ և հենվելով իրենց բավմասյա փորձի վրա, ծավալեցին արդյունավետ

¹⁰ Խ. Սամվելյան, Հին հայ իրավունքի պատմություն, Երևան, 1939։

¹¹ Խ. Սամվելյան, Հին Հայաստանի կուլտուրան, հատ. 1, Երևան, 1931, հատ. 2, 3, 1941։

հավաքչական և հետազոտական աշխատանք, դրանով որոշակի ներդրում կատարելով սովետահայ ազգագրության զարգացման բնագավառում: Ե. Լալալանը հիմնականում շարունակեց դաշտային նյութերի հավաքումը և դրանց նկարագրական բնութագրումը, Ստ. Լիսիցյանը մեծ եռանդով առաջ տարավ թանգարանային գործը և նյութերի թեմատիկ հետազոտությունը, իսկ Խ. Սամվելյանը բազմակողմանիորեն ուսումնասիրեց հարուստ նյութը՝ խնդիրներ, որոնք, իսկապես, հրատապ և խիստ կարևոր էին:

Հայրենական պատերազմի տարիներին սահմանափակվում է ազգագրական աշխատանքների ծավալը՝ ընդհատվում է դաշտային նյութերի հավաքումը, վերսկսվելով միայն 1944 թ.: Այնուհետև, գրեթե մի տասնամյակ էլ ազգագրական հետազոտությունները շարունակվում են կատարվել Հայաստանի պատմության պետ. թանգարանում: Այդ տարիներին Ստ. Լիսիցյանի և ակադեմիկոս ազգագրագետ-կովկասագետ Մ. Օ. Կոսվենի ղեկավարությամբ պատրաստվում են երիտասարդ ազգագրագետների նոր կադրեր, որը հնարավորություն է տալիս 1953 թ. ՀՍՍՀ ԳԱ պատմության ինստիտուտում ստեղծելու ազգագրության խումբ, իսկ ավելի ուշ՝ 1959 թ., ՀՍՍՀ ԳԱ նորաստեղծ հնագիտության և ազգագրության ինստիտուտում՝ ազգագրության բաժին: Այս ամենի արդյունքը լինում է այն, որ ազգագրության բնագավառում տարվող գիտահետազոտական աշխատանքները հետզհետե կենտրոնացվում են առավելապես ինստիտուտում, իսկ թանգարանը շարունակում է հիմնականում զբաղվել ֆոնդերի հարստացմամբ, գիտական մշակմամբ և ցուցադրությունների կազմակերպմամբ:

Միաժամանակ հնարավորություններ են ստեղծվում նաև ազգագրագետների նոր կադրեր պատրաստելու համար: Թանգարանից եկած ազգագրագետների կադրերը համալրվում են ասպիրանտուրայի և գործնական աշխատանքի միջոցով պատրաստված երիտասարդ մասնագետներով, որոնք ընտրվում են ինչպես Երևանի բուհերը ավարտածներից, այնպես էլ Մոսկվայի պետ. համալսարանի պատմության ֆակուլտետի ազգագրական բաժինը ավարտածներից: Այս ընթացքում որոշ չափով համալրվում է նաև թանգարանի ազգագրական բաժնի անձնակազմը:

Վերջին տարիներին Երևանի պետ. համալսարանի պատմության ֆակուլտետում բացված հնագիտության, ազգագրության և աղբյուրագիտության ամբիոններ, ուր ավանդվում է շուրջ տասը ազգագրական առարկա, նոր հեռանկարներ է բացում առհասարակ ազգագրական գործը Հայաստանում ավելի լայնորեն ծավալելու, համալսարանում ազգագրական գիտա-ուսումնական բնիչ ստեղծելու համար:

Ետպատերազմյան շրջանում հայ ազգագրագետների գործունեության հիմքը դարձյալ մնում է դաշտային աշխատանքը, որը գնալով ծավալվում է: Սակայն մի ամբողջ տասնամյակ արշավախմբերն ունեին սակավաթիվ անձնակազմ: 1950-ական թթ. կեսերից սկսած, արշավախմբերը դառնում են բազմանդամ ու բազմապրոֆիլ և համատարած դաշտային հետազոտության ևն ենթարկում Սովետական Հայաստանի հիմնական ազգագրական շրջանները և Սիռիայի մյուս հանրապետությունների հայաբնակ վայրերը: Մյուս կողմից էլ ինստիտուտի կազմում բանագետների և ժողովրդական պարարվեստի մասնագետների առկայությունը հնարավորություն էր ձևավորելու համասուլի ինչպես դաշտային, նույնպես և հրատարակչական գործունեություն: Աս-

զազրական արշավանքների մեջ ընդգրկվեցին նաև սրակտիկանտներ՝ Երևանի պետ. համալսարանի, Խ. Արուսեանի անվան պետ. մանկավարժական ինստիտուտի, Մոսկվայի պետ. համալսարանի ուսանողներին:

Հավաքված նյութերը օգտագործվում են ինչպես թեմատիկ պլանային աշխատանքներում, այնպես էլ հիմք են հանդիսանում ընդհանրացնող ծավալուն աշխատությունների համար, որոնք ընդգրկում են ժողովրդի կենցաղի, սովորությունների ու մշակույթի բոլոր կողմերը: Մեծ գիտարշավախմբերը միաժամանակ դաշտային աշխատանքները տեխնիկայի հագեցնելու լայն հնարավորություններ են ընձեռում: Դրանց կազմում անպայման ընդգրկվում են լուսանկարիչ, գեղանկարիչ-ճարտարապետ, ձայնագրող՝ համապատասխան սարքավորումներով: Մեծ խմբարշավներին զուգահեռ կիրառվում է նաև փոքր ջոկատների և անհատական ուղևորությունների կարգով դաշտային նյութեր հավաքելու գեոևս անցյալից եկող և մեր պայմաններում ևս իրեն միանգամայն արդարացնող եղանակը:

Դաշտային հետազոտությունների նշված եղանակների կիրառման միջոցով հատկապես վերջին տասնամյակներում հնարավոր է եղել ընդգրկելու Հայաստանի գրեթե բոլոր հիմնական պատմա-ազգագրական շրջանները: Դաշտային նյութեր են հավաքվել նաև Վրացական ՍՍՀ հայաբնակ վայրերում (Ախալքալաքի, Ախալցխայի, Բուզանովկայի, Բոլնիսի, Դմանիսի շրջաններ), Աբխազական ԽՍՀ-ի, Ռոստովի մարզի (Մյասնիկյանի շրջան), Կրասնոդարի երկրամասի հայաբնակ գյուղերում, Լեռնային Ղարաբաղի ինքնավար մարզում (Արցախի պատմա-ազգագրական շրջան):

Ազգագրական դաշտային աշխատանքները ամփոփվում են Մոսկվայում կամ միութենական հանրապետությունների մայրաքաղաքներում ու խոշոր քաղաքներում արվեն քառուրդ դար ավանդույթաբար տեղի ունեցող ամենամյա համամիութենական գիտական նստաշրջաններում, որոնց բոլորին էլ համապատասխան ղեկուցումներով մասնակցում են նաև հայ ազգագրագետները: Դրանք արտացոլվում են նաև ժամանակ ևս ժամանակ հրատարակվող հակիրճ հաշվետվություններում¹²:

Այս շրջանում աստիճանաբար ուրվագծվում է հայ ազգագրագետների թեմատիկ նախասիրությունների շրջանակը: Երանցից յուրաքանչյուրը մասնագիտանում է առավելապես այս կամ այն սրբբլեմի հետազոտման մեջ, այն դարձնելով տարիների բավականաչափ շրջանի առարկա: Նկատի ունենալով այն պարագան, որ մինչ այդ համեմատաբար նվազ ուշադրություն էր դարձվել այնպիսի կարևոր սրբբլեմների վրա, որպիսիք են հայ ժողովրդի տնտեսական զբաղմունքների ու նյութական մշակույթի ազգագրական հետազոտությունը, ուժերը հիմնականում կենտրոնացվեցին դրանց շուրջը, պատշաճ տեղ հատկացնելով նաև մյուս բնավավառներին: Հատկանշական է նաև

¹² Ե. Լալայան, Կոտայք (հաշվետվություն), ՀԳԱԻ «Տեղեկագիր», Երևան, 1927, № 2; С. т. Лисица н а н, Сообщение о результатах командировки в Дсег и Узунлар, д.т.т. обследования крестьянских жилищ Лорийского района, «Бюллетень» КИАИ, Тифлис, 1929, № 5; Եռլլի՝ Предварительный отчет о поездке в Акулнсский район, Եռլլի տեղում: Д. В а р д у м я н, Некоторые материалы по этнографии армян, «Краткие сообщения» Института этнографии им. Н. Н. Миклухо-Маклая АН СССР, М., 1960, т. XXXIII; Գ. Վ ա р д у м я н, Ռոստովի մարզի հայերի մշակույթի և կենցաղի մասին, ՀՍՍՀ ԳԱ «Տեղեկագիր» (հաս. դիտ.), № 10, 1961:

այն, որ ԼՅԽ դաշտային ուսումնասիրությունները կատարվում են ըստ առանձին պատմա-աղագրական շրջանների ու խմբերի, ապա գիտահետազոտական թեմաներն ընտրվում և մշակվում են ըստ ժողովրդական մշակույթի այս կամ այն բնագավառի. ամեն կոնկրետ թեմայի դեպքում ընդգրկելով ամբողջ Հայաստանը:

Վերը նշված և մի շարք այլ միջոցառումների կիրառմամբ, տարիների ջանադիր աշխատանքի շնորհիվ, Հայաստանի աղագրագետները մշակեցին և հրատարակեցին հայ ժողովրդի զբաղմունքներին, նյութական ու հոգևոր մշակույթին, հասարակական-ընտանեկան հարաբերություններին նվիրված մի շարք աշխատություններ:

Տեղական ուսումնասիրության առարկա դարձան հայ ժողովրդի երկրագործական, անասնապահական զբաղմունքները, արհեստագործությունը, փոխադրության և կապի միջոցները, շափակշռային համակարգերը և հարակից այլ հարցեր: Վ. Բոդյանը տարիների ջանադիր աշխատանքով հանգամանորեն տվեց հայ ժողովրդի երկրագործական մշակույթի բազմակողմանի շարադրանքը: Նրա «Հայաստանի երկրագործական մշակույթը» ծավալուն աշխատանքի մասին առաջժամ կարելի է պատկերացում կազմել հրատարակված մի շարք հոդվածների¹³ հիման վրա: Անասնապահական մշակույթը ևս դարձել է հասուն ուսումնասիրության առարկա (Յու. Մկրտումյանի «Արևելյան Հայաստանի անասնապահության ձևերը» վերտառությամբ աշխատությունից առաջժամ տպագրվել են առանձին հոդվածներ)¹⁴: Արհեստագործության վերաբերյալ Վ. Աբրահամյանը հրատարակել է մի քանի աշխատություն¹⁵: Թեմատիկ պատշաճ հետազոտության են ենթարկվել նաև հայ ժողովրդի տնտեսական զբաղմունքների հետ անմիջականորեն առնչվող փոխադրության ու կապի միջոցները¹⁶ և շափակշռային համակարգերը¹⁷:

Հայ ժողովրդի նյութական մշակույթի և դրա հետ անմիջականորեն առնչվող կիրառական արվեստների հետազոտումը ևս զգալի տեղ է գրավել մեր աղագրագետների թեմատիկայում: Ուսումնասիրվել են հայկական գյուղական բնակավայրերի ու բնակարանների տիպերը (Դ. Վարդումյան), տարազը, ա-

13 Կարևորներն են՝ Հայկական բրիչները և վարող գործիքները XIX դարում, «Նյութեր Հայաստանի գյուղատնտեսության և գյուղացիության պատմության», հատ. 1, Երևան, 1964: Земледельческая культура в Армении (автореферат диссертации на соискание ученой степени доктора исторических наук), Тбилиси, 1968: Շարացան սիսումը Վանա լճի ավազանում, «Պատմա-բանասիրական հանդես», 1964, № 1:

14 Կարևորներն են՝ «Հյուսիս-արևելյան Հայաստանի հայերի տարեկան անասնապահական ցիկլը նախահեղափոխական շրջանում», ՀՍՍՀ ԳԱ «Տեղեկագիր» (հաս. դիտ.), 1963, № 7: Формы скотоводства и быт населения в армянской деревне второй половины XIX века, СЭ, 1968, № 4:

15 Վ. Աբրահամյան, Արհեստները Հայաստանում IV—XVIII դդ., Երևան, 1956:

16 Լ. Ն. Պետրոսյան, Հայ ժողովրդական փոխադրամիջոցներն ըստ մատենագրության, ՀՍՍՀ ԳԱ «Լրարեր» (հաս. դիտ.), 1968, № 9: Նույնի՝ էջեր Հայաստանի փոխադրամիջոցների դարգացման պատմությունից, «Պատմա-բանասիրական հանդես», 1966, № 3:

17 Դ. Վարդումյան, Օրավարը որպես հողի մակերևսի շափի միավոր, «Պատմա-բանասիրական հանդես», 1968, № 2: Նույնի՝ «Աշխարհացոյցի» ընդարձակ և համառոտ խմբագրությունների շափադիտական աղյուսակների լուսաբանության նոր փորձ, նույն տեղում, 1970, № 3:

գանելիքն ու բանվածքային արվեստը, ուտեստներն ու ըմպելիքները, զորդագործությունն ու խեցեգործությունը¹⁸:

Ուշագրավ է, որ վերջին քսանհինգ տարում հայ ազգագրագետների թեմատիկայում կարևոր տեղ է գրավել կոլտնտեսային գյուղացիության և բանվոր գասակարգի ազգագրական ուսումնասիրությունը: Գրվել են աշխատություններ այս պրոբլեմի շուրջը, որոնց մի մասը հրատարակվել է¹⁹: Այսպիսով, փորձ է արվել գիտականորեն բացատրելու կենցաղային այն երևույթները, որոնք առնչվում են հայ ժողովրդի հասարակական-տնտեսական կյանքում սոցիալիստական շինարարության ընթացքում տեղի ունեցած արմատական վերափոխությունների հետ:

Այս շրջանում շարունակվեցին ընտանիքի պրոբլեմին, ինչպես նաև հնապուրյն հասարակական հաստատությունների ու հարաբերությունների վերապրուկներին նվիրված հետազոտությունները: Մովետա հայ ընտանիքի ուսումնասիրությանը զուգընթաց մշակվեցին հայ ընտանեկան համայնքին, ազգակցական հարաբերություններին, նվիրագործության ծեսերին և հարսանեկան սովորույթներին վերաբերող թեմաներ և հրապարակվեցին մի շարք ուշագրավ աշխատություններ²⁰:

Հայ ժողովրդի հոգևոր մշակույթի ուսումնասիրման գործում ևս զգալի ներդրում ունեն մեր ազգագրագետները: Մշակվել են հավատալիքներին ու

¹⁸ Д. С. Вардумян, Характеристика основных этнографических районов Армении в XIX веке, М., 1964; Ստ. Մ ն ա ց ա կ ա ն յ ա ն, Հայաստանի գյուղական բնակավայրերի հարտարապետությունը, Երևան, 1956: Ս. Վ ար դ ու մ յ ա ն, Հայկական ժողովրդական բնակելի տների ճարտարապետությունը, Երևան, 1959: Ն. Պ ա պ ո խ յ ա ն, Գլխատան ճարտարապետական կոմպլեքսը Խղեղնաձորի և Աղիգրեկովի շրջաններում, «Պատմա-բանասիրական հանդես», 1963, № 3: Ա. Պ ա տ ռ ի կ, Հայկական տարաղ, Երևան, 1967: Ս. Դ ա վ թ յ ա ն, Հայկական ժանիակ, Երևան, 1966: Ն. Ա վ ա ղ յ ա ն, Հայկական գուլպաներն ու սոնապանները և նրանց զարդանախշերը, «Պատմա-բանասիրական հանդես», 1967, № 4: Վ. Թ ե մ ու ը ճ յ ա ն, Գորդագործությունը Հայաստանում, Երևան, 1956: Ե. Ս ա ր գ ս յ ա ն, Խեցեգործության «ծեփածո» տեխնիկան հայերի մեջ, «Պատմա-բանասիրական հանդես», 1968, № 2: Նույնի՝ Հայերի բրուտագործական ձեռքի զուրդի ուսումնասիրության շուրջը, ՀՍՍՀ ԳԱ «Լրաբեր» (հաս. գիտ.), 1968, № 5:

¹⁹ Դ. Վ ար դ ու մ յ ա ն, Լոռեցիների նոր կենցաղը, Երևան, 1956: Վ. Բ դ ո յ ա ն, Հայկական կոլտնտեսային տունն ազգագրական տեսակետից, ՀՍՍՀ ԳԱ «Տեղեկագիր» (հաս. գիտ.), 1955, № 4: Նույնի՝ Հայ կոլտնտեսային ընտանեկան հարաբերությունները, նույն տեղում, 1956, № 7: Դ. Վ ար դ ու մ յ ա ն, է. Կ ա ր ա պ ե տ յ ա ն, Հայաստանի կոլտնտեսականների ընտանիքը և ընտանեկան կենցաղը, Երևան, 1963: К. В. Сехбосян, Промышленные Ленинскан как объект этнографического изучения, ՀՍՍՀ ԳԱ «Լրաբեր» (հաս. գիտ.), 1966, № 8: Նույնի՝ Լենինականցիների ծամոնակակից հարսանիքը, ՀՍՍՀ ԳԱ «Տեղեկագիր» (հաս. գիտ.), 1963, № 9:

²⁰ Э. Карапетян, Выкуп в свадебных обрядах армян и его социально-экономические корни, ՊՊԹ «Աշխատություններ», հատ. 3, 1950: Նույնի՝ Армянская семейная община, Ереван, 1958: Նույնի՝ Տանու ծառաների ինստիտուտը Հայաստանում, ՀՍՍՀ ԳԱ «Տեղեկագիր» (հաս. գիտ.), 1957, № 9: Նույնի՝ Родственная группа «азг» у армян, Ереван, 1966: В. Б доян, Кровно-родственный «азг» и родственные отношения у армян, СЭ, 1952, № 1: Л. Варданян, Пережитки института инициаций у армян, «Պատմա-բանասիրական հանդես», 1967, № 4: Ю. И. Мкртумян, Некоторые формы сообществ в армянской деревне, նույն տեղում, 1967, № 4: Թ. Կ. Խ ա չ ա տ ը յ ա ն, Հասակակիցների միությունները Ջավախքում, նույն տեղում, 1968, № 1:

պաշտամունքներին, ժողովրդական տոներին ու հեթանոսական դիցարանին և հարակից այլ հարցերի նվիրված մի շարք թեմաներ²¹։

Հոգևոր մշակույթի յուրատեսակ բնագավառի՝ ժողովրդական խաղերի հետազոտությունը նվիրված աշխատություններ (որի առաջին մասն է տակավին հրատարակվել) ²² Վ. Բդոյանը ներկայացնում է դրանք հնարավոր տարբերակներով, գիտական դասակարգմամբ, կցելով ծավալուն ներածական։

Հոգևոր մշակույթի հույժ ինքնատիպ բնագավառի՝ հայ ժողովրդական պարարվեստի և թատերական ներկայացումների բաղմակողմանի ու հանգամանալից հետազոտությանն է նվիրված բազմադյուն աղգագրագետ-բանագետ Սրբուհի Լիսիցյանի ստվարածավալ աշխատությունը։ Մի քանի հատորից բաղկացած սույն աշխատությունը (որի առաջին հատորը լույս տեսավ 1958 թ.²³, իսկ երկրորդը հրատարակման ընթացքի մեջ է) բաղմաղան ու հարուստ նյութերի (մատենագրական, դաշտային, մանրանկարչական, լեզվաբանական, համեմատական և այլն) հիման վրա, կարելի է ասել սպառիչ կերպով, քննաբար ներկայացվում են հայ ժողովրդական հինավուրց պարերն ու թատերական ներկայացումներն ըստ Հայաստանի առանձին պատմա-աղգագրական շրջանների, վերլուծվում դրանց ծագումնաբանությունը, տոնա-ծիսային ամբողջական կոմպլեքսը՝ սերտորեն աղերսված ժողովրդի տնտեսական դբադմունքների, արտադրական գործունեության, պատկերացումների ու հավատալիքների հետ։ Այս աշխատությունը նույն խիստ ուսանելի է աղգագրական ու քանահայտական, ինչպես և հարակից այլ կարգի նյութերի համամասնական հետազոտության առումով։ Սրբ. Լիսիցյանն առհասարակ մեծ վաստակ ունի հայ աղգագրության մեջ. սկսած դեռևս 1920-ական թթ. և մինչև օրս նա անխոնջ կերպով անձամբ և իր իսկ պատրաստած կազրերի միջոցով մեծաքանակ բարձրորակ դաշտային նյութեր է կուտակել, որոնք հարուստ աղբյուր են ոչ միայն պարարվեստի, այլև ընդհանուր առմամբ աղգագրության բնագավառում հետագա ուսումնասիրությունների համար։

Վերջապես, նշանակալից գործ է արված հայ ժողովրդի՝ նախկինում գրեթե անտեսված առանձին աղգագրական շրջաններին ու խմբերին վերաբերող համակողմանի նկարագրական նյութեր ձեռք բերելու և ուսումնասիրելու բնագավառում։ Այդ նյութերը մեծ մասամբ վերաբերում են Արևմտյան Հայաստանին (Վասպուրական, Բարձր Հայք, Ուստուն, Դերսիմ, Մոկս, Նատախ, Համշեն և այլն) և ձեռք են բերվում սիրող-բանահավաքների միջոցով, որոնք արդեն պատկառելի տարիքի հասած տեղացիներ են՝ փրկված մեծ եղեռնից։ Այս կերպ անդառնալի կորստից փրկվում են արևմտահայերի աղգագրությանը վերաբերող նյութերը։ Բացառիկ արժեքավոր նյութերը պարբերաբար հրատա-

21 Վ. Բդոյան, Երկրագործական պաշտամունքի մի քանի հետքեր հայերի մեջ, ՊՊԹ «Աշխատություններ», 1950, հատ. 3: 4. Մելիք-Փաշայան, Անահիտ դիցունու պաշտամունքը, Երևան, 1963: Ա. Օդաբաշյան, Քրիստոնեական ամանորի հետ կապված որոշ ծիսական վերապրուկներ, ՀՍՍՀ ԳԱ «Տեղեկագիր» (հաս. դիտ.), 1968, № 3: Նույնի՝ ժողովրդական հավատալիքների մի քանի վերապրուկների մասին, նույն տեղում, 1962, № 2: Նույնի՝ Հայերի մեջ նոր տարվա տոնակատարության հարցի շուրջը, «Պատմա-բանասիրական հանդես», 1963, № 2:

22 Վ. Բդոյան, Հայ ժողովրդական խաղեր, 1, Երևան, 1963:

23 С. С. Лисицян, Старинные пляски и театральные представления армянского народа, т. I, Ереван, 1958.

րակվում են²⁴։ Վերջին տարիներին ստեղծված «Հայ ազգագրություն և բանահյուսություն (նյութեր և ուսումնասիրություններ)» մատենաշարի շնորհիվ դրանց հրատարակման գործը դրվեց ավելի հաստատուն հիմքերի վրա։ Արդեն լույս է տեսել մատենաշարի առաջին պրակը, որ ղեկավարված է Վ. Թեմուրճյանի «Գամիրքի հայերը» և ամերիկահայ բանասեր Ե. Տեր-Մկրտչյանի «Վանեցոց հարսանիքը» աշխատանքները²⁵։ Հաջորդ պրակում ղեկավարված է Գ. Հալաչյանի «Դերսիմի հայերի ազգագրությունը» ծավալուն աշխատանքով (հրատարակման ընթացքի մեջ է)։ Այսպիսով, նոր ձևով վերականգնվում են «Ազգագրական հանգեսի» ավանդույթները։

Պատշաճ տեղ է հատկացվել հայ ազգագրության տեսության ու պատմության և ազգագրական ժառանգության ուսումնասիրման հարցերին²⁶։

Հայ ազգագրագետները սերտ կապերի մեջ են Միության մյուս ազգագրական կենտրոնների, առաջին հերթին ՍՍՀՄ ԳԱ ազգագրության ինստիտուտի (Մոսկվա—Լենինգրադ) և Լրաստանի ու Ադրբեջանի ազգագրագետների հետ և գործուն մասնակցություն են ունենում ամենամյա գիտական նստաշրջաններին աշխատանքներին, ինչպես նաև համակուկայան բնույթի կոլեկտիվ հրատարակություններին։ Հայ ազգագրագետների ջանքերով պատրաստվեց ՍՍՀՄ ԳԱ ազգագրության ինստիտուտի կողմից հրատարակված «Աշխարհի ժողովուրդները» մատենաշարի «Գովիկասի ժողովուրդները» հատորի «Հայեր» բաժինը²⁷։

Հայ ազգագրագետները ներկայումս էլ մասնակցում են ՍՍՀՄ ԳԱ ազգագրության ինստիտուտի նոր հրատարակությունների նախապատրաստմանը. պատրաստվում է Կովկասի պատմա-ազգագրական ատլասը, որի հայերին վերաբերող բաժինը կազմում են հայ ազգագրագետները։ Արդեն ընթացքի մեջ է առաջին շարք պրակի կազմումը (երկրագործական մշակույթ, անասնապահական մշակույթ, բնակավայր-բնակարան, տարազ-զարդարանք)։ Ատլասի հրատարակումը, որ նախատեսվում է առաջիկա հնգամյակին, սովետական ազգագրագետների խոշոր նվաճումը կլինի։

24 Վ. Պետոյան, Սասնա ազգագրությունը, Երևան, 1965։ Ե. Կարապետյան, Սասուն (ազգագրական նյութեր), Երևան, 1962։

25 «Հայ ազգագրություն և բանահյուսություն (նյութեր և ուսումնասիրություններ)», I, Երևան, 1970։

26 С. Т. Лисицян, Армянская этнография за 15 лет. СЭ, 1936, № 4—5. Д. С. Вардумян, Этнографическая работа в Армении в 5—6 пятилетиях, *նույն տեղում*, 1956, № 3; *նույնի՝* Армянская этнография за годы Советской власти, *նույն տեղում*, 1962, № 5; Э. Т. Карапетян, К 60-летию армянского этнографического периодического издания «Азгагракан андес», *նույն տեղում*, 1956, № 2; К. В. Мелник-Пашаян, Жизнь и деятельность Ерванда Лалаяна, *նույն տեղում*, 1965, № 2. *նույնի՝* Սովետահայ ազգագրության անցած ուղին, ՀՍՀՄ ԳԱ «Լրագիր» (հաս. գիտ.), 1968, № 11; *նույնի՝* Ստեփան Լիսիցյան (ծննդյան 100-ամյակի առթիվ), «Պատմա-բանասիրական հանդես», 1965, № 4; Ա. Օդարաշյան, Խաչիկ Սամվելյանը ազգագրագետ, ՀՍՀՄ ԳԱ «Տեղեկագիր» (հաս. գիտ.), 1958, № 11; Д. С. Вардумян, Этнография, «Академия наук Армянской ССР за 25 лет», Ереван, 1968.

27 Д. С. Вардумян, С. Т. Еремян, С. Д. Лисицян, Э. Т. Карапетян и др., Армяне, «Народы Кавказа» («Народы мира»), ч. II, М., 1962, под общей редакцией С. П. Толстова.